

**ՉԱՐ ԿԵՍՈՒՐԸ / Հայ ժողովրդական հեքիաթներ, Հատոր VIII / Գուգարք (Լոռի), Լոռու
քարքառ (խոսվածք)**

Մի չար կեսուր ունենում աս մի սիրուն հարսը: Էդ հարսը պատճառավոր աս ըլըմ, հմա կեսուրն ասում աս.— Գիրագնամուտ ու ուրփաթամուտ էլ աշխատի:

Հմա հայ-քրիստոնեն էդ բանը կանե՞: Հարսն ամեն օր ձգում աս, մենակ գիրակնամուտն ու ուրփաթամուտը պիտի աս: Կեսուրն էլ ջգրվում աս, խտոր ընգնելու օրը դուրը վրեն ծածկում աս, դուս գնում:

Էն ցավը բռնած վախտը իրեք աղունակ կտրովը տուն են գալիս: Նրանցից մինը տատմեր արլում, մինը թևը բռնում աս, մինն էլ տեղը շինում: Դրան ազատում են ու առոք-փառոք խտոր գծում (իմ ըղորմածիկ կեսուրն էլ աս էդ օղբաթն իմ գլխին դրել): Դրան մի սիրուն ախլիկ աս ըլըմ: Աղունակնին ասում են.— Էս ախլկանն ի՞նչ խնթրենք:

Մինն ասում աս.— Ես խնթրում եմ ասծանե, որ ծիծաղի, պատերը վարթ-մանիշակ դառնան:

Մինն էլ ասում աս.— Ես խնթրում եմ, որ դրան լեղացնեն հա, ջուրը տաշտակըմը ոսկի դառնա:

Էն մինն էլ ասում աս.— Ես էլ խնթրում եմ, որ դա լաց ըլի հա, ըրտասունքնու տեղ մարքարիտ ու ջավահիր վեր գա աչկերիցը:

Ասում են ու իրանք էդ կտրովը թնին տալիս ու թռչում:

Նոքարը դռանն անկաճ աս դնելիս ըլըմ, գնում աս կեսուրն ասում, թե.— Դու տապ արա, տապ արա, աղավնքերն էկան ազատեցին, սհե-սհե բաներ ասին:

Կեսուրը նոր գալիս աս, սատանութին աս անում, գնում աս ըրելիս խտում, ծիծաղացնում աս, մին էլ տենում աս պատերը վարթմանիշակ դառնա: Հմի էլ լացացնում աս, տենում աս, որ աչկերիցը մարքարիտ ու ջավահիր աս վեր դառնում: Եղնա տանում աս լեղացնում, հմի էլ տաշտակը լիքր ոսկի աս դառնում:

Դրանից էդ՝ ով տարով կվենձանա, նա օրով աս վենձանում:

Էն քյավթառ կեսուրը մի հասած ախլիկ աս ունենում, դա վենձանում աս, դառնում նրա զդար: Մի օր գալիս աս դրան մի տղի հմար ուզում: Դրա մերը լավ բաժինք աս շինում, զուքում, զարթարում, զանդուկնին շորերով լքցնում, փազում, բլանիքն իրա ախլկա մագերըմ պիտի, որ գնա իրա մարթի տանն իրա ձեռովը բաց անե:

Էդ քյավթառն էլ իրա քրքրված ախլկա հետ վի աս կենում, հրսանքավորնու հետ գնում, մթամ թե հրսնախպեր աս դառնում: Գնում են մի ծմակում, մի ախպրի կշտի վեր գալի, որ համ դինջանան, համ էլ հաց ուտեն: Քյավթառն իրան ախլկանն ու թոռին մթամ տանում աս ջոգ հցավորե, չունքի վաղ հարսն իրավունք չունեք հրսանքավորնու կշտին աշկարա հաց ուտելու: Տանում աս մի տալդա տեղ թոռի աչկերը հանում աս, գծում աս էդ ջեբը (թոռի ջեբը) նրա շորերը հանում աս, իրա ախլկանը հաքցնում, իրա ախլկա շորերն էլ նրան աս հաքցնում, ըտի դրան թողում աս, գնում հրսանքավորնու կուշտը: Էն նաչարին ընդի թողում են, նրա քրքրվածին տանում իրանց հարսնացու:

Էդ վախտը մի հլիվոր գալիս աս ծմակը փետ կտրելու:

Ախլիկը կացնի ձենը որ լըմ աս հա, ձեն աս տալի, ասում աս.— Էդ ո՞վ ես հեյ, այ բիձա ջան, այ քեռի ջան, այ ախպեր ջան, էկեք ինձ ըստիան տարեք, քոմագ արեք:

Էն հլիվորը գալիս աս տենում, որ գյոզու մի ախլիկ ընդի վեր ընգած աս:

Ասում աս.— Ախլիկ ջա՛ն, իրեք քոռ ախլիկ էլ ես ունիմ, քեզ էլ տանիմ նրանց հետը ո՞նց պիտի:

Ասում աս.— Բիձա ջա՛ն, տար, բան չի կա, ես քեզ օքուտ կտամ:

Դրա ձեռիցը բռնում աս, բերում աս տուն:

Ասըմ ա.— Բալենի ջա՛ն, իրեքը չըլիք, չորսն ըլիք, մի ձեր բախտին արժանացած ախչիկ էլ եմ բերել ձեզ քիր:

Ասըմ են.— Հայրիկ ջա՛ն, յարաք մենք շատ բախտավորն ենք, որ եդ նաչարին էլ բերի՞ր:

Ասըմ ա.— Բան չի կա, իմ քրդինքով ես ձեզ կպիեմ:

Եղնա էն ախչիկը հլիվորին խնթրում ա, ասըմ ա.— Դու ջուր տքացրու, տաշտակն էլ բի ըստի դիր, դուս գնա, մենք իրար կլեղացընենք:

Հլիվորը տհենց ա անըմ:

Եղնա ինքն էն իրեքին լեղացնում ա, հաքնում են, ասըմ ա.— Դե դուք էլ ինձ լեղացրեք:

Լեղացնում են, դուս ա գալի հաքնում: Հլիվորը տուն ա գալի: Գալիս ա տենում տաշտակը լիքը ոսկի: Մնում ա հուշ էլած, հմա ախչիկն ասըմ ա.— Էդ իմ հունարն ա, բան չի կա:

Եղնա ծիծաղում ա տենում ա պատերը վարթ-մանիշակ դառավ: Ըստի էդ հլիվորն ուրխանում ա, առոք-փառոք ապրում են: Եղնա էդ հլիվորը ախչկերանցը թաթնաբոնուկ անիլ ա տալի, ինքն աղաք ա ընգնում, ձեռներուցը բռնում տանում ա ման ածելու: Գնում են մի ախպրի կշտի դինջանում: Հլե մին էլ տենում են, որ իրեք աղունիկնի էկան էն ախչկա գոքըմը վեր էկան:

Դրանք ախչկա ջեբիցը աչկերը հանում են, դնում են տեղը: Ամեքն իրանցից մի բմբուլ ա վեր գձըմ, հլիվորին ասըմ են՝ Էդ ախպրըմը թթախե, քսե աչկերին: Հլիվորը մայիլ կտրած բմբունին թթախում ա ախպրի միջին ու քսում ա աչկերին:

Ախչկա աչկերը բաց են ըլում, ուրխանաս, ինչ ուրխանում ա, եղնա աղունակնուն խնթրում ա, ասըմ.— Իմ քվորտանց աչկերն էլ լավացրեք:

Նրանք ասըմ են.— Էդ բմբունին թթախեցեք ախպրի միջին, ամեն մի բմբուլ մի ախչկա աչկի քսեցեք:

Քսում են, իրեքի աչկերն էլ սղանում են: Դրանք ըստի փթաթորվում են իրար, ուրխանում են, աղունիկնին էլ ծափ են տալիս ու թոչում, գնում:

Ուրխանալով դրանք տուն են գալիս: Էդ ախչիկը մի բոլ դրանց հարստացնում ա, եղնա հրսանիքի ձեն ա լսում:

Ասըմ ա.— Հայրիկ ջա՛ն, ինձ տանիլ չե՞ս էդ հրսանիքը թմաշա անեմ:

Ասըմ ա.— Խի չեմ տանիլ, բալա ջա՛ն:

Դրան տանում ա հրսանիք: Գնում ա տենում, որ իրա փեսացուն ունքերը կիտած, մտկամոլոր նստած ա, էն քյավթառն ու իրա քրքրված ախչիկն էլ հմբարտ-հմբարտ, ուռուցորված, հարսի թախտին նստած են: Էն նաչար տղեն սիրտն իմացած ա ըլում, էն անսկամին ինչքան ծիծաղացնում ա, տենում ա, որ պատերը վարթ-մանիշակ չեն դառնում, լացացնում ա, աչկերիցը մարքարիտ ու ջավահիր չի վեր գալի, գլուխը լվանալ ա տալի, ոսկի չի դառնում:

Ասըմ ա.— Տհանք ինձ խափել են:

Համ էլ տենում ա, որ էդ էն սիրուն հուր ու մալաք ախչիկը չի, սիրտը կոտրում ա, ընգնում ա մտկի մեջ: Էդ ախչիկը որ գնում ա հրսանիք հա, տղեն որ տենում ա, սիրտը վեր ա թոչում, մտկըմն ասըմ ա.— Կասես սա իմ հարսնացուն ըլի,— հմա էդ նամուս ա անըմ: Խալխն էլ են մայիլ կտրել դրա սիրունութենի վրա:

Ըստիան-ընդիան ասըմ են.— Պա ր ածեք, պա՛ր ածեք:

Դրան պար են ածում, չիմն էլ մնում են հուշ էլած: Էն քյավթառն ու իրա քրքրվածը ճնանչում են, հլենհե, ոնց որ ասդով ծկծակորված, տեղներուն վեր-վեր են թոչում: Էդ ախչիկը որ պարը պրծնում ա, ուզում ա դուս գա, տղեն էլ նամուս չի անում, գալիս ա աղաքը կտրում:

Ընդիան էն պառավն ու իրա պռճկվածը ծվծվում են, թե.— Դուս արեք դրան ըստիան, դուս արեք դրան:

Հմա էլ ո՞րդի, տղեն ճնանչում ա: Ախչկա ձեռիցը բռնում ա, թե բան ասե, ախչիկը գլուխը քաշ ա անում, լաց ա ըլում: Որ դրա աչկերիցը մարքարիտ ու ջավահիր ա վե դառնում, տղեն էլ մտիկ չի անում, փթաթորվում ա դրան ու պաչում: Ախչիկն ուրախանալուցը ծիծաղում ա, սաղ պատերը վարթ-մանիշակը լքցվում ա: Եդնա էն քավթառին ու իրա անսկամին բերում են դաթրի պոչիցը կապում, էնքան քաշ են տալիս, թիքա-թիքա են անում:
Թագա դրանց բերում են հրսանիք են անում, ուրխանում են, օխտն օր, օխտը քշեր քեփ են անում, հասնում են իրանց մուրազին, դուն էլ հասնիս քու մուրազին: